

Pelicula Arubiano 'Abo So' na film festival di Corsou



ORANJESTAD - E siman cu a pasa e pelicula Arubiano 'Abo So' a representa Aruba durante e Curaçao International Film Festival Rotterdam. E publico di Corsou a responde masal na e unico pelicula di ficcion na Papiamentu durante e film festival, e prome anochi 'Abo So' tabata sold-out. Esaki e director di e peli-

cula, Juan Francisco Pardo a laga sa. Mescos cu e caso na Aruba, na Corsou tambe e publico a pidi pa un segundo parti. For di trinta pelicula cu a aplica pa e Yellow Robin Award, 'Abo So' a wordo selecta como un di e cinco nominadonan pa e premio. E otro nominadonan tabata pelculanan di paisnan manera Santo Domingo,

Mexico, Trinidad y Ethiopia. E premio di 'Yellow Robin Award' a bay pa e pelicula di Trinidad titula 'God Loves The Fighter'. Wordo nomina ya caba ta un stap grandi, esey tabata e palabranan di Pardo.

Presenta na Hulanda

E pelicula di e cineasta local aki y co-productor Rebecca Roos a hala atencion di Hollywood Foreign Press cu a opta pa wak 'Abo So' door cu e ta un pelicula local y un musical. Pa Fundacion AVI ta importante pa sigui hiba 'Abo So' tur parti mundo pa mas hende por wak e, entro na Hulanda. Actual tin un campaña unda cu comunidad por yuda hiba e pelicula pa Arubianonan na Hulanda y esaki ta pa medio di un contribucion chikito y en cambio di esaki Fundacion AVI lo obsekia un edicion limita di e soundtrack CD di e pelicula.

Pa mas informacion bishita www.abosofilm.com. □

